

№ 81
(382) 1939 аре
Дуныз 5 коп. 12 сентябре

ГОРД ЗНАМЯ

5-й арзэ потэ
АДРЕСЭЗ: Пудем село,
Удмуртской АССР

ВКП(б)-лэн Пудемской райкомезлэн но РИК-лэн органзы

КЫН УЛЭ ГЫРОН— ВЫЛИ УРОЖАЙЛЭН ЗАЛОГЕЗ

Вылй урожай басытон зависеть каре солэсь: кызы колхоз'ёс дасьтозы почваез кизен азелы. Вот марлы вылй урожай басытысь звеноос почваез умой обработать каронлы нимысьтыз ик саклык вис'яло.

Кын улэ гырон луэ основной прием яровой юосты кызыны понна. Основной луэ со агротехнической значениез бадзымен. Соин ик, колхоз'ёс та ужез проводить кароно луо.

Кын улэ гырон бадзым' значениез луэ соин, что со жуг-жаг турыны'ёсын нюр'ясыкыны юртэ и соослэсь луд'ёсыз сайкыгатэ. Кын улэ гырем сизыыл зор'ёс ывозыса но, тулыс шунась лымылэсь вузэ возыса влага люканэз обеспечивать каре. Соин ик, жуг-жаг турыны'ёслы кын улэ гырем му, гибельной луэ.

Кын улэ гыремлэн бадзым значениез луэ соин но, что со колхоз'ёслы вазь кызыны кутскыны условиос кылдытэ. Наконец, тулыс кизен дыр'я трос трактор'ёсты, адымиосты но вал'ёсты мозмытэ весновспашкалэсь и тулыс ю кизен кампаниез жоген быдэстонэз жогомытэ.

Кын улэ гыронлэсь бадзымез значениосэ лыдэ басытыса, партия но правительство весновспашка вылэ етын кизенэз запретить каризы но земельной орган'ёсты, МТС'ёсты но колхоз'ёслэсь правлениосэс етынэз исключительно кын улэ гырем му вылэ гинэ кызыны косызы. Со целен ик правительствен кын улэ гыронэ план учкыське мукет культураослы но.

1939 аре сельскохозяйственной уждэн государственной планэз'я Пудемской районысь вань колхоз'ёс 11000 га кын улэ гыроно луо. Со пдысь МТС-лэн трактор'ёсыныз 8500 га. Кын улэ гырыса быдтонлэн дырыз—вуоно нунал'ёс.

Урожаез вылэ жутоно понна кын улэ гыремлэн тужгес но бадзым значениез луэ соку, куке кын улэ гырон вазь дыре—август толзэе яке сентябрь толзэылэн нырысетй

половиназ ортытыське. Районысь сельсовет'ёсын только Бозинской но Еловской сельсовет'ёс гинэ кын улэ гыронэз 10 сентябрьлы 24,1—28,7 процентлы быдэстызы, нош Чабыревской Горбашевской но Баяранской сельсовет'ёс та числолы ик 6,4—7,8 процентлы гинэ планзэс быдэстызы.

Кын улэ гыронлэсь тае ляб мынэмзэ азыпалаз чиданы уг луы. Та ужлэн одйг пятиндвеккалы но бере кылемез солэн зечлыкезлы люкетэ ни. Кын улэ гыронэз уг луы кельтыны октябрь толзэылы, тем более, ноябрь толзэылы, кызы луылэз кылем ар'ёсын.

Гыремлэн качествоз, озы ик, умой мед луоз. Гыронэз ортытоно гырыны луоно муз'емозь, чтобы вань куро жыжыос ской улэ медшедезы. Тракторен гырыса, гырыгэк кельтылэм интыосты, валэнгырыса тупат'яно. Гурезь бам'ёсты вамен гырылоно.

Кын улэ гыронлэсь гырыны луоно почвалэсь мурдалазэ ватсанэн, валэс юос улэ кыед, торф, компост, фосфорной но калийной удобрениосты поттонэн сочетать кароно.

Кын улэ гыронэз ортытонын туж зол агротехнической контроль пуктоно. Соин ик Райзоысь, МТС-ысь агроном'ёс, колхоз'ёсысь председател'ёс, бригадир'ёс но звеньеводез та ужен умой кивалтоно луо. Кын улэ гыронэз дыраз но вылй качествен быдэстон понна тужгес но бадзым ответственность усе МТС вылэ. Али трос трактор'ёс мукет уж'ёслэсь мозмытскызы ни, соин ик, та трактор'ёсты чик жегатскытэк кын улэ гыронэ мобилизовать кароно. МТС-лэн кивалтысьёсызлы тодоно сое, что кын улэ гырон—со туэ аре трактор'ёслэн послелней ужзы, кудыз значительно юрттоз арлы сэтэм ужан планэз быдэстыны.

Кын улэ гырон быдэстэмын луыны кулэ дыраз но вылй качествен. Соин чош ик удобрениосты поттон но. Сотын—1940 аре вылй урожайлэн залогез.

Вылэсь азинской'ёс понна нюр'яськом

1 сентябрь. Монэ райисполкомез отызы но, Всесоюзной сельскохозяйственной выставкае мыныны райисполкомлэн председателез путевка сэтэз. Та мынам кытэтиез шумпотонэ. Нырысь шумпотон валсо, куке монэ выставканын участвовать карыны утвердить каризы.

3 сентябре чукна ми Удмуртысь Всесоюзной сельхозвыставкалэн участник'ёсыз но экскурсант'ёс Москвае вуим. Татын милемдыс пумитазы умой но шуныт.

Вот ми азыпалан выставкалэн территорияез. Отсы пырим но, марно отын өвёл, сое ваньзэ вераса уд быдты. Коткудзэ павильонэз учкыса малпаськод: „Та добитыся каремы коммунистической партилен но Великой Сталинлэн кивалтэм улсаз“.

Удмуртской калык, вань векчи выжы калыкен чош ик, царской правительствойн пачкаса улйз. Табере Ленинлэн-Сталинлэн шонер национальной политика нуэменыз, Советской Союзлэн вань интыосыстыз шудо калык, сельской хозяйствосы аслэстызы азинскем ёссэс выставканын демонстрировать каро. Удмуртысь Смолина звеньеводекалэн етынэз но выставканын возыматыське. Со кылем аре одйг га вылысь 17 центнер етын мертчан басытэм.

Мынам улыточыям но ой вал адземе сыче пудоосты, кул'ёсыз возыматыське выставканын. Тани Смоленской областысь Молотовлэн нимыныз нима колхозлэн 1230 килограм'ем ошез, 75 килограм'ем

2 толзэ'ем кунянез но трос скал'ёсыз „Новое в деревне“ отделын возыматыське. Каждой скал, шорлыдын вераса, суткалы 35 лир йёл сэтэ, нош рекордиска скал'ёс суткаяз 65 литр сето. Уд быгаг ваньзэ вераны, кона вал'ёс, парты'ёс но мукет породистой пудоживот'ёс возыматыське выставканын.

Сельхозвыставканын 5 нунал чоже улыса, мон Волга-Москва каналыти, Метропты ветлы. Мав олее мыныса, Ленинэ но адзи.

Мон звеньеводека луыса ужасько. Кылем аре одйг га вылысь 11,2 центнер етын мертчан басыты ке, туэ аре 10 гектар вылэ кызыса, галы быдэ быдэн 14 центнер етын мертчан басыто шуыса, обязательство басытылй. Та обязательствомон быдэсто шуыса малпасько, ибо умой будэм етынэз мынам звеное али обработать карыны дась ни.

Всесоюзной сельскохозяйственной выставкае ваем экспонат'ёсты адзыса, эшшо но умой ужаны мылкыд жутске. Мон выставкасымае адзи, аслам колхозник'ёсылы ваньзэ верало, валэкто соосты умой ужаны. Умой но добросовестно ужаса, вуоно Всесоюзной сельскохозяйственной выставканын участник'ёслэсь радзэс бюджетом. 1940 аре выставканын участвовать карон право басытон понна нюр'яськомы быдэс звеноеным но колхозэн.

Е. И. Первакова,
Всесоюзной сельскохозяйственной выставкалэн участникез.

Осипов методист

31 августэ Чабыровской сельсоветысь культармеец'ёслэн совещанызы оргчиз. Культармеец'ёслы малограмотнойёсын но неграмотнойёсын заниматься карыськон понна методической указаниос сётыны, Озерка школань Осипов дышетйсь отемын вал. Та совещание Осипов кудзыса лыктыз но, но кыче методической указаниос сётыны оз быгаты. Совещание лыктэм культармеец'ёс Осиповлэсь мар супыльтэмзэ валатэк кошконо луызы.

Районолы чик жегатскытэк тае тырмытэосты палэнтон но, вань дышетйсьёсты косоно неграмотной но малограмотнойёсты дышетйсь культармеец'ёслы конкретной юрттэт сётыны.

Неграмотной но малограмотной калыкез грамоталы дышетыса местной совет'ёсы быр'ён'ёс нуалозь завершить карон понна нюр'яськэно. Тужгес но та ужен сельсовет'ёслэн но колхоз'ёслэн председател'ёсылы кивалтоно.

Е. С. К.



1) суред вылын: СССР-лэн Военно-Морской Флотэзлэн Народной Комиссарез, флотлэй II тй ранго флиманэз Кузнецов Николай Герасимович.

Тае эскероно

Пудемской сельполэн Переломской лесочастокысь отделенияз трос безобразнос шодыське. Кылсырысь, Коврыжников Петр Павлович продавец покупательёсты обвешивать но обсчитывать каре. Семакин П. К. рзбочийлэсь арбуз понна одйг манэг кэньдонзэ мултэс басытыз Целоусовэ ужасьлэсь пёртэм вуз'ёс понна 5 манет мултэс басытыз.

Коврыжников прозавецлэн кышноез отын ик пекар луыса ужа. Таиз но жульничать каре. Тодды пызез жег пызен сураса нянь пыже но, солэн старикез Коврыжников килограмзэ 1 манет но 70 коп. вуза. Озы кык мошеник'ёс рабочийёсты пёяло и советской вуз каронлэсь принцип'ёссэ нарушать каро.

Семакин.



Суред вылын: СССР-лэн Верховной Советэзлэн Президиумезлэн залаз, Московской областысь наградить карем учительёс. Куровской районысь Мельковской начальной школань М. Я. Чулкова „Трудовой доблесть понна“ медален наградить каремын, нош Егоровской районысь Гридинской начальной школань дышетйсь А. В. Большаков Трудовой Красной Знамени орденэн наградить каремын.



Суред вылын: Воронежской областысь Омской областе переселитьс карыськем колхозник'ёс Н. М. Жидков но Е. В. Слюсарева, Крутинской районысь Дарвинлэн нимыныз нимама колхозлэсь окрестностьёссэ учко. Бур палаз— колхозница Букреева А. И.

Вузэз тодмоос'я сётча

Люмской сельполэн Горбашевской отделенияз ужась продавец Наймушин промышленной вуз'ёсты тодмоос'я люкылэ. 23 августэ татсы мануфактура вайыллы. Мануфактура колхоз'ёсын вузамын луыны кулэ вал, нош Наймушин троссэ сое дышетсьёслы но сельсоветын ужасьёслы люкылэ.

Сельполэн председателез Горбушин эш татсы уг ветлылы. Со, да же, уг тоды, кин солэн отделенияз ужа.

Селькор.

Вал өз сёты

Костромской сельсоветысь, „Н-Строй“ колхозысь колхозница Семакина Наталия Ефимовна Пудемысь больницаын 8 нунал кыллиз. Шонерам бераз Семакинаез гуртаз нуыны вал курыса больницаын ужасьёс старикезлы ивортыллы. Семакиналэн старикез колхозлэн председателезлэсь Владыкинлэсь вал куриз но, со өз сёты. Озыен больницаын кыллем Семакина голик пыд пыдын гуртаз бертоно луиз.

Семакин.

Вал'ёсты ыштйзы

Лековаевской сельсоветысь, „13 Октябрь“ колхозысь колхозник'ёс Мышкин Николай Михайлович, Плетнев Степан Николаевич но Поздеев Афанасий Григорьевич 3 сентяб্রে госуадрстволы нянь здать карыны ветлызы. Нянь здать кзрем беразы, нефтебазаысь керо-

син бастыса гуртэ бертыны кутскизы. Сюрес вылын таос юллям но, Мышкин Н. сянаез, ваньзы вал'ёссэс ыштйзы Чукна Плетневен Поздеевен вал утчаны мынйзы но Пудемской прудысь огзэ жокам валзэс шедьтызы.

Владыкин.

Райисполкомын

10 сентяб্রে райисполком трудяшойёслэн местной совет'ёсазы быр'ён'ёс сярсье вопросэн районной женской собрание ортчылты. Собранияын 50 мурт нылкышно агитатор'ёс, сельсовет член'ёс но пудо вордоньсь активисткаос пукызы.

Собранияын пукисьёс райисполкомлэсь куризы, чтобы тае собраниеысь чемгес люкаллыны. Соин чош ик, таос Пудемской районысь вань избирательёслы обращение гожтызы, кудыз вань избирательёсты өте—трудяшойёслэн местной совет'ёсазы быр'ён'ёслы образцово дасяськыны.

Японской авиацилэн Чунцин вылэ налетэз

Чунцин, (ТАСС). 4 сентяб্রে потон уйин 36 японской самолёт'ёс Чунцин вылэ налет лэсьтыны туртскизы. Соос зенитной артиллерияен ыбылэмын вал. Озы ик бое китайской истребительёс но пырыськызы. Японской самолет'ёс цельзы доры вуытэк, городлэн урдэсказ уно бомбаос куязы. Пригородной поселокын пожар лотыса, со югыт луон азын кысмын вал. Бырем'ёс трос өвёл. Предварительной данной'ёс'я, кык японской бомбовоз'ёс китайской истребительёсын уськытэмын.

Шонертон

80 номеро „Горд Знамя“ газетын кыктэти страницаз „Куашказы“ заметкаысь кыктэти предложенизэ тазы лыдзоно. 9 сентябрьлы 65 процентлы гинэ октон-калтон быдэстэмын...

Японской авиация аслэсьтыз варварской налет'ёссэ Китайысь мирной город'ёс вылэ продолжать каре. Бомбардировкаос ортчытэмен трос адямиос быро но шодскымон р зрушениос лэсьтыло.



Суред вылын: Ченду городын разрушение, японской бомбардировщик'ёсын лэсьтэмын.

Германия но Польша куспын военной действиос

Берлин, (ТАСС). Трансоцеан германской агентство радио пыр ивортэ германской верховной военной командованилэсь сводкаосэ. Сводкаын верамын, что Польшалэн куйнемтиез подводной лодкаез вуэ выйтэмын Данцигской заливын оперировать карись германской флотэн.

Германской войскаос бастызы Катовицаез но Крулевску Хутуез—Верхней Силезиысь кык важной промышленной район'ёсты.

Лондон, (ТАСС). Рейтер агентство Варшаваысь бастэм официальной ивортэмэз сётэ. Отын верамын, что бойёс мыно Польшалэн южной локетаз но Познаньын. Польской войскаослэн германской граница пала мынэмзы оборонительной позициосысь германской войскаослэсь частьёссэ дезорганизовать кариз. Польской войскаос пленной'ёсты бастызы. Польской войскаос Южной Польшаысь германской механизированной частьёслы пумитазинэс контратака ортчылтызы. Поляк'ёсын трос танк'ёс, грузовой автомобильёс таламын но пленэ бастэмын.

Та агентство ик, Гавас агентстволэн варшавской корреспондентезлэн ивортэмез'я, вера, что Варшаваын 5 сентяб্রে быдэс Чукна чоже ик кылдыкын орудием ыбылськем куараос кылйеькыллызы.

Рига, Германской радио ивортэ Млава дорын германской и польской войскаос куспын тужгес ик, лек бойёс мынэм сярсье. Поляк'ёс та районын нимысьтыз ик кужмо пумит'яськызы. Город но крепость бастэмын вал трос полштыковой бойёс ортчем бере гинэ.

Рига, Польской армиялэн генеральной штабелэн ивортэмез'я, Германилэн авиациез ялан бомбардировать каре польской город'ёсты но селоосты. Польской зенитной артиллерия противниклэсь 8 самолёт'ёссэ уськытыз. Западной фронтын противниклэн зйбыны турскемезлы польской войскаос пумит'ясько. Туж лек бойёс мыно Варта-Каменная линиин. Польской корридор вис'ям польской войскаос Данциг пала атака нуыса, 12 муртэз пленэ бастызы. 3 секытысь

пулемет'ёсты но одиг противотанковой орудиез талазы. Польской авиация бомбардировать кариз Леханов но Радомско город'ёс патамынйсь германской войскаослэсь механизированной частьёссэ.

Хальсинки, Гавас агентство польской генеральной штабелэсь оперативной сводкаез сётэ. Берло бастэм сведениос'я у юрной бойёс мыно Варшавалы витьго километр кемын Польшалэн но Цехановлэн район'ёсазы. Польской войскаос, аслаз лылыныз орчись противниклы кужмо пумит'ясько.

Туннэ Варшаваез кык пол бомбардировать каризы, Чукна 6 часын но 9 часын.

Польской правительство но польской телеграфной агентство Варшаваысь Люблине кошкызы.

Берлин, Германской армияын верховной командованиез туннэ Чукна оперативной сводкаез опуоликать кариз, кулаз шуисське:

„Германской войскаослэн Польшаын 4 сентяб্রে операциоссы Польшем план'я ортчызы. Горной автомобильной войскаос Словацкой граница дорын Бескиденлэсь северной проход'ёссэ бастызы и Новы Сонп вылэ азинэс наступать каро.

Восточно-Силезской промышленной район германской войскаосын бастэмын. Север палась бастэмын Хеншин—Лопушно—Петркув чугун сюрес линия. Середзалэн районаз укрепленлэн линиез прорвать каремын. Германской войскаос наступать карыса Варта шурлэн восгочной берегтыз Лодзи пала мыно.

Висла шурлэн восточной берегысьтыз бастэм Кульмалэн но Грауденцалэн район'ёсазы германской войскаос противникез уйыса мыно. Восточной Пруссиин наступать карись войскаос Цехановез бастызы. Та районын польской войскаос юге Розан пала (Варшава дорысен 60 километр) чигнало. Север палан германской войскаосын 10 сюрс пленнойёс, 60 орудиеос бастэмын.

Германской авиация толон Польшалэсь сюрес'ёссэ сёрылыз. Здуньска Воля, Скаржиско, Тарнув но Вжесня чугун сюрес станицос жуало.

(ТАСС).

Китайын военной действиос

Южной китайын

4 сентяб্রে. Китайской войскаос бастызы Цзэнчэнэз (Кантонлэн восток палаз) но Шэньканэз. Кантонлэн северо-восток палаз). Кык нунал бойёс орчыса японцев'ёслэн сюрслэсь но трос калыксы бырыз.

3 сентяб্রে японской войскаос Самшуйысь (Кантонлэн запад палаз) потыса север пала Лубао райо-

нын сылысь китайской частьёс-вылэ наступление нуизы. Китайской войскаос противникез аслаз азьвыл позицияз уллязы. Со нуналэ ик китайской войскаос Синань районын (Самшуйлэн восток палаз) японской частьёсын жугиськыса японской частьёслэсь трос калыкэс быдтызы.

Северной Китайын

„Саотанбао“ газет ивортэ, что Шаньси провинцилэн западной люкетысьтыз Лиши Фыньюн шоссеыной сюрес вылын китайской партизан'ёс боеприпас'ёсын но аммуницииен мынйсь 20 японской грузовик'ёс вылэ нападение лэсьтызы. 30 японской солдат'ёс виемын но 9 грузовик'ёс быдтэмын.

Отв. редактор — П. МАЛЫХ.
Поттйсь — Райисполком

Ялон

„Горд Знамя“ газетлэн редакциезлы туж жоген массовой ужен умой тодмо массовик кулэ.

редакция.